



МЕСЯЦА ИЮНЯ В 7-Й ДЕНЬ

Святаго священномученика Феодота,
епископа Анкирского

Стихиры, глас 1.

Подобен: Небесных чинов:

Радостным сердцем / и твердым помыслом / к
подвигом, мучениче, благодержнул еси вой-
стинну, / не убоясь мучительных болезней, /
ни нуждныя смерти. / Темже, законно по-
страдав, / светло венчался еси, Феодоте.

Искушениями плоти твоея / уязвил еси супоста-
ты, блаженне, / и сострелял еси сих обличении
сердца, / каплями же излианных кровей твоих /
поток изсушил еси до конца безбожия, пребла-
женне.

Терпеливно свещами опаляемь / и ранами по
хребту сокрушаемь, / мучениче, претерпел еси,
зовый: / Христовы любви отнюдь ничтоже мя
разлучит, / ни смерть, ни живот, / ниже всяка ина
мука.

Ины стихиры Пресвятыя Богородицы, глас и подобен тойже:

Одержими падении ненадежными, Чистая, / Ты
Предстательницу едину имуще, Дево, / вопиём
благодарственно: / очисти ны, Пресвятая Богоне-
весто, / Ты бо еси миру прибежище / и заступление
роду нашему.

Жезлом Твоего предстательства, / Богородитель-
нице Чистая, / звериные страсти окаянные души
моея / отжени вскоре, / мирно живот мой управля-

ющи, / и святому мя стаду / избранных Твоих овец причти.

Согрешений пучиною потопляемь, / к тихому пристанищу / пречистыя Твоея молитвы, Богородительнице, прибег, / взываю Ти: спаси мя, / державную Твою подавши десницу / рабу Твоему, Пренепорочная.

Слава, и ныне:

Нравом гнилым поплзся, ниц лежу / и к Твоей, Деве, притекаю тишине: / от бури сопротивныя / и искушений многообразных мя избави, / да пою Твою благодать непрестанно, / Богородице Мати Приснодево.

Крестобогородичен:

У Креста предстоящи Сына и Бога Твоего / и долготерпение Того смотряючи, / глаголаше, плачущи, Мати Чистая: / увы Мне, Чадо Сладчайшее, / что сия страждещи неправедно, Слове Божий, / да спасеши человечество?

Тропарь, глас 4:

И нравом причастник, / и престолом наместник Апостолом быв, / деяние обрел еси, Богодохновенне, / в видения восход, / сего ради, слово истины исправляя, / и веры ради пострадал еси даже до крове, / священномучениче Феодоте, / моли Христа Бога / спастися душам нашим.

Канон, егоже краеграние: Божие даяние был еси истинно, блаженне. Творение Иосифово, глас 6.

Песнь 1

Ирмос: Яко по суху, пешешествовав Израиль / по бездне стопами, / гонителя фараона / видя потопляема, / Богу победную песнь / поим, вопияше.

Богосиянную ты звезду мысленное показав Солнце на высоте Своея Церкви, / всю землю блистаньми, блаженне, твоих страданий уясни.

От юна возраста возложен был Богу, Феодоте, / Богоданными добродетельми душу просветил еси яве / и мир честными страданиями украсил еси.

Слáвный мýченик, смотря лъстíваго мрѣжи,
простѣрты на земли, всюду прохóждаше, / дýши
учѣньми благочестíвых утвержда́я благода́тию.

Богорóдичен: Премно́гим милосѣрдием небеса́
прекло́нь, снѣде Сын Бóжий / и из Тебѣ воплотíся,
Чíстая, спаса́я челове́ка от прѣлести зми́йны.

Песнь 3

Ирмо́с: Несть свят, / я́коже Ты, Гóсподи Бóже
мой, / вознесѣй рог вѣрных Тво́их, Бла́же, / и
утверди́вый нас на ка́мени / исповѣдания Тво́его.

Вѣну взира́я к Бóгу очесы́ умными, приснопа́-
мятне мýчениче, / не чул еси́ ран, телеси́ прибли́-
жа́ющихся, и мýками всюду одержи́м.

Ника́коже, мýчениче, прило́ги болѣзненными
поколеба́лся еси́, ни ласка́нии беззакóнных, / на
ка́мени твѣрдья вѣры Христо́вы водруже́н, сла́вне
Феодо́те.

Сокруша́я тѣло мно́гими ра́нами, / гони́тель не
возмо́же отню́д твоея́ крѣпости душе́вныя разсла́-
бити, / Божѣственною любóвию Спа́са, блаже́нне,
утвержда́емь.

Богорóдичен: Вѣдев Тво́его изда́леча лик проро́-
ческий Богоглас́ный та́инства глубинú, / многооб-
ра́зными гласы́ Бóгу Ма́терь Чíстую Тя проповѣ́-
дует, Пречíстая Богоневѣсто.

Седа́лен, глас 1.

Подóбен: Гроб Твой:

Многосвѣтлая звезда́, дарова́нии чудѣсными и
страда́нии священными озаря́я тварь, / Феодо́те
блаже́нне, во́истинну был еси́. / Тѣмже днесь
светоно́сную твою́ па́мять пра́зднующе, / в весѣлии
сѣрдца Христо́а велича́ем.

Сла́ва, и ны́не, пра́здника или́ Богорóдичен:

Безневѣстная Чíстая Богорóдице Дѣво, / еди́на
вѣрных Предста́тельница и покрóве, / бед, и скор-
бѣй, и лю́тых обстоя́ний всех изба́ви, / на Тя
упова́ние, Отрокови́це, имúщих, / и дýши наша́
спаси́ Божѣственными моли́твами Тво́ими.

Крестобогорóдичен:

Несквѣрная А́гница, А́гнца и Па́стыря, повѣшена на Дре́ве, ме́ртва зря́щи, / пла́чущи, веща́ше, ма́терски восклицáющи: / ка́ко претерплю́ Твое́ еже па́че сло́ва, Сы́не Мой, снѣтие / и во́льныя стра́сти, Бо́же Преблагѣй?

Песнь 4

Ирмо́с: Хри́сто́с моя́ си́ла, / Бог и Госпо́дь, Че́стная Цѣрковь / боголе́пно поѣт, взывáющи, / от смѣсла чѣста о Го́споде прáзднующи.

Му́дростию словѣс твоѣх и дел благода́тию / тьмы предста́теля я́ве посрама́л еси́, Феодо́те, / и побѣду взял еси́ на него́, сла́вно подвѣгся.

Огнѣм страда́ний твоѣх я́ве запали́л еси́ многобо́жную леть / и, я́ко свещá, Ду́хом Святы́м, му́чениче, вжѣгся та́йно, / подсо́лнечную просвети́л еси́.

Кре́пко, сла́вне, в ре́бра стру́жемь / и зѣльными боле́знями я́ко войсти́нну всю́ду окру́жен, / непоколебле́мь умо́м позна́лся еси́ ве́ры ра́ди, приснопа́мятне.

Богорóдичен: Сохрани́в нетле́нну Тя по рождестве́, я́коже пре́жде рождества́, Де́во, / Соде́тель всели́ся в ло́жесна́ Тво́я / и истле́вшия мно́гими согреше́нии обновѣ.

Песнь 5

Ирмо́с: Бо́жиим свѣтом Твоѣм, Бла́же, / у́треннюющих Ти ду́ши любóвию озари́, молю́ся, / Тя ве́дети, Сло́ве Бо́жий, / и́стиннаго Бо́га, / от мра́ка грехо́внаго взывáюща.

Терпѣнием твоѣм, му́чениче му́дре, / беззако́нующих стремле́ния, и мук озлобле́ния, и опале́ния / я́ве терпѣл еси́, Боже́ственным посóбием огра́жен.

Пропове́дуя сло́во благочестѣвое, / пу́тная шѣствия далѣче, му́чениче Богому́дре, шѣствовал еси́ / и заблужде́нныя к свѣту обрати́л еси́, / тьмо́ю водѣмыя сýетства.

Воздвѣжен быв, я́коже а́гнец, на дре́во, / желе́зных ногте́й терпи́ши терза́ния, я́коже безплóтен, блаже́нне, / умерщвле́ния дебельство́ совлача́я.

Богородичен: Воплощённо войстинну Слово Отчее / от чистых, Чистая Дево, кровей Твоих родила еси, / во двою совершённо естеству, единой же Ипостаси, Богорадованная.

Песнь 6

Ирмос: Житейское море, / воздвизаемое зря напастей бурею, / к тихому пристанищу Твоему притек, вопию Ти: / возведи от тли живот мой, / Многомилостиве.

Помазал еси словесы твоими священными чистая к подвигом жены, / и, низложше, мучениче, врага мужескими борения, / нетления венцы исплетоша.

Крепостию духа душу оградив, / лукавствия духи терпением ран низложил еси / и победы венец от Бога приял еси, досточудне.

Каплями кровей твоих идольский пламень, мучениче Христов, погасил еси / и росю болезней твоих благочестивых души оросил еси, / от пламене прелести избавив.

Богородичен: Иже всей отнюд разумней яко Бог и видимей твари / во утробу Твою вселися войстинну и плоть бысть, / человеки назидая, Приснодево.

Песнь 7

Ирмос: Росодательну убо пещь / содела Ангел / преподобным отроком, / халдеи же опаляющее веление Божие / мучителя увещая вопити: / благословен еси, Боже отец наших.

Огнем, Богоблаженне, болезней твоих запаление идольское угасил еси, / кровными же потоки погрузил еси враги безплотныя, Феодоте, вопия: / благословен еси, Боже отец наших.

Яко фимиам благовонен, принеслся еси, мудре, Подвигоположнику твоему, / Божественною благодатию злосмрадную лествь низлагая. / Тем поеши радостно: / благословен еси, Боже отец наших.

Соблюд твоя словеса, Форт святыи Богоносному Фортону отдаде тя, / храму на воздвижение честну, на очищение всех благочестивых, / в снабдение душам, мучениче Феодоте.

Богородичен: Едину носящаго Ипостась родила еси Слова, Мати Дѣво, / сугуба имуща хотѣния и естѣственная Его свойства яве: / Бог бо есть и Человѣк, нас ради воплотивыйся.

Песнь 8

Ирмос: Из пламене преподобным росу источил еси / и праведнаго жертву водою попалил еси: / вся бо твориши, Христѣ, токмо еже хотѣти. / Тя превозносим во вся вѣки.

Непоколебим столп, забрало непреклонно, непобѣдимая стена, / степень вѣры, дание Божественное, благочестия поборник, / прелести губитель показался еси, страстотѣче.

Правлѣнием Божественныя благодати, премудре, / мук прешел еси великую пучину / и тихая, радуясь, достигл еси, славне, пристанища Горняго Царствія.

Шествія и стези твоя направившася ко Христу, всех Богу и Господу, / Ему же в руке дух твой предал еси, / мучениче страстотѣче, Феодоте преблаженне.

Богородичен: Ритором язык таинства Твоего недоумѣнную глубину изрещи не может: / Слово бо Божіе паче слова родила еси, / Пречистая Дѣво, во спасѣние всех.

Песнь 9

Ирмос: Бога / человеком невозможно видети, / на Него же не смѣют чини Ангельстии взирати, / Тобою бо, Всечистая, явился человеком / Слово воплощено, / Его же величающе, / с Небесными вои Тя ублажаем.

Да славы улучиши оныя, страстотѣрпче, видимую, радуясь, преобидел еси / и, Божественным манием к ранам отлучився, / не ужаслся еси мучительных вид и смерти горькия. / Тем же с мученики венчался еси, подвигся.

Явился еси храм, мучениче, чист Троицы / зданием деяний, Феодоте пребогате, Божественных, / страданий же светлых сиянием украшен. / Тем же храмы демонскія истуканныя, мудре, / Божественною Утѣшителя силою яве низвергл еси.

Иска́пающая гора́ Божественную сла́дость яви́лся еси́, / исто́чник чуде́с, пучи́на же, сла́вне, Божественных дарова́ний, / струя́ светла́ Свята́го Ду́ха, ду́ши напо́яя, и потопля́я стра́сти, / и всем ходата́йствуя, му́чениче, благоче́стно пою́щим тя, ра́дование.

Богоро́дичен: Гла́сом А́нгела родила́ еси́ Безнача́льнаго Сло́ва, / прие́мшаго плоть у́мну же и одушевле́нну, Де́во Всечи́стая, от чи́стых крове́й Твои́х, / и безплотны́я враги́ низло́жшаго, и спаса́шаго нас всех, / и́стинную Богоро́дицу испове́дающих Тя.

Святой мученик Феодот жил в Анкире Галатийской в III веке. Он отличался особенной добротой и отзывчивостью. В разгар гонения при Диоклитиане (284—305) он снабжал христиан всем необходимым и предоставлял им убежище в своем доме, где тайно совершались Богослужения. Святой Феодот посещал христиан-узников в темницах, выкупал их, с благоговением погребал тела мучеников, брошенные на съедение зверям. Однажды он вытащил из воды и

похоронил тела семи святых мучениц, утопленных в море (память 18 мая). Об этом донесли правителю. Отказавшись принести жертву идолам и обличив языческие заблуждения, святой Феодот исповедал истинную веру во Христа, за это его подвергли жестоким мучениям и усекли мечом (†303). Тело святого мученика хотели сжечь, но поднявшаяся буря помешала это исполнить, и его предали христианскому погребению.

